



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. Mirabile discrimen piorum & impiorum defunctorum.

urn:nbn:de:hbz:466:1-45701

fabiles solebat audire jubilos, & supra humanam estimationem dulcior.
Hec cœlestis modulatio, post depositionem domini David, dulcior &
magis intelligibilis audiebatur. Pertinet hoc ad magnos trium-
phantium applausus, ut habeant non tantum acclamatantes, sed
etiam cantu & musica omnis generis instrumentorum profe-
quentes. Quid ni & Angeli exeat obuiam Sanctis, quorum cor-
pora ad sepulchrum, animæ ad celum gradiuntur? Hoc est enim:
Psal. 87. 5. Et cantent in vijs Domini, quales vique sunt, per quas ad Deum
itur.

C A P V T L X V I I .

*Cur malis multis bonam, & multis bonis malam Deus per-
mittat obuenire sepulturam?*

I.
Cæsarius. hi-
stor. memo-
rab. lib. 10.
sap. 45.

Mirabile quiddam accidit in Saxonia, Anno Redempto-
ris 1222. Nam nubes densa uno casu ex aere delapsa,
intra duos montes, omnia aquis implevit, magnamq[ue]
& hominum, & pecorum stragem edidit; neque sepes tantum,
sed etiam officinas euerit, supellectilemque omnem, quam-
arripuit, deuexit. In P.P. Benedictinorum monasterio, quod
Winendenburg vocabatur, ex omnibus, quotquot aderant, ne-
mo mortem evasit, præter quinque Religiosos, qui ad turrim
confugientes se saluârunt. Paria fecit idem torrens in vicina
ciuitate Islere, vel Islene dicta. Putasses sæculum Pyrrhae & Deu-
calionis redijisse. Sed longè luculentiore signo Deus, quam si-
stus Iuppiter, tunc probos ab improbis discriminavit. Si quidem
aquis decrescentibus, & terra reiecta, mirabil modo suffocati
differebant. Quotquot enim in templis, aut ædibus suis inun-
datione deprehensi interierant, reperti sunt colore candidissimo,
instar niuis enitescere: illi autem, qui in theatris, in popinis, in
tabernis cauponum, vel lupanaribus, inter scortorum totius vr-
bis ambubaiarumque ministeria extincti erant, carbonibus ni-
griores apparuerunt. Tali enim charactere Deus bonos distinguebat
a malis. Quem morem etiam veteres tenuerunt. Siquidem

*Mos erat antiquis, mineis atrisq[ue] lapillis,
His damnare reos, illis absoluere culpa.*

Hoc discrimen, si Deus ubiq[ue] obseruaret, facile esset bene mor-
tuos,

tuos, à malè defunctis discernere: quia bonos in bona, malos in mala sepultura cognosceremus. Nunc verò experimur sèpe contrarium fieri, ut pessimi quique & scelestissimi, & mille patibula, mille rotas, mille ignes meriti, magnificis sepulchris Mausoleisq; honorentur; optimi autem, & quorum animæ inter cælestes gloriose triumphant, eorum corpora, vel insepulta jaceant, vel in mare, immò in sumum atque cloacas abijcantur. Si ergo cura est Dño non modò de animabus, sed de capillis quoque *Matth. 10. 30.* capitum Sanctorum suorum, cur tot pios inhonestè, impios magnificè sinit sepeliri? An, qui justus est in viuos, obliuiscitur mortuorum? *Numquid iniquus est Deus?* & qui *Zelanuit super iniquos,* ipse numerabitur inter eos, qui *operantur iniquitatem?* *Nequaquam.* Etsi enim apud D. Augustinum nonnulli ita argumententur: *Si aliquid prodest impi sepultura pretiosa, oberie pio vito, aut nulla;* tamen re ipsa ostendemus, nec impi prodest sepulturam pretiosam, nec pio nocere vilem, aut nullam.

Ad impios ergo quod attinet, acquirunt illi sanè sapientiæ pomposam funeris deductionem, & sepulchra ex marmoreis ædificata. 1. Quia hæc est mundi vanitas, ut quemadmodum alios decipit, ita vicissim & ipse decipiatur. Sicut ergo frequenter bonos judicat esse malos; ita pessimos quoque fallaci judicio optimos arbitratur. Quid igitur mirum, si tales sepelit honoratè? Hanc caussam Ecclesiastes clare indicat, dum ait: *Vidi impios sepulitos: qui etiam, cum adhuc viuerent, in loco sancto erant, & laudabantur in cœitate, quasi justorum operum. Sed & hoc vanitas est.* 2. Quia et si illorum quoque multi magnificè sepe liuntur, quos constat, omnium scelerum sordibus inquinatos esse; tamen ea probatio est hominum rectè sperantium, vel temerè judicantium non esse prouidentiam in mundo. *Etenim,* *Eccl. 8. 10.* *vt statim inibi subjungit Ecclesiastes, quia non profertur citè contra malos sententia, absq; timore ullo filij hominum perpetrant mala.* Dicunt enim: *Quid prodest mihi à voluptatibus abstinere, si etiā male viuentes bene sepeliuntur?* Aliter Ecclesiastes ibidem, in persona sapientis loquitur, dum ait: *Attamen peccator ex eo, quod tenties facit malum, & per patientiam sustentatur, ego cognoui, quod erit bonum timentibus Deum, qui verentur faciem eius.* *Vident enim,*

Rom. 3. 5.
Psal. 77. 3.
Iob. 4. 8.

S. Augustin.
lib. I. de ciuite
cap. II.

II.